



საკონკურსო განცხადება

მცხეთის არქეოლოგიური მუზეუმის შენობის ადაპტაცია-განვითარების
საპროექტო-სახარჯთაღრიცხვო დოკუმენტაციის შედგენის
მომსახურების შესყიდვაზე

ქ. თბილისი
2014 წელი

სსიპ „საქართველოს კულტურული მემკვიდრეობის დაცვის ეროვნული სააგენტო“ აცხადებს კონკურსს კულტურული მემკვიდრეობის ძეგლების საპროექტო დოკუმენტაციის შედგენის მომსახურების შესყიდვაზე

შესყიდვის ობიექტი: მცხეთის არქეოლოგიური მუზეუმის შენობის ადაპტაცია-განვითარების საპროექტო-სახარჯთაღრიცხვო დოკუმენტაციის შედგენის მომსახურება.

(იხ. ტექნიკური დავალება დანართი #4).

1. შესყიდვის ობიექტის სავარაუდო ღირებულებაა 50 000 (ორმოცდაათი ათასი) ლარი.

3. დაფინანსების წყარო: სსიპ „საქართველოს კულტურული მემკვიდრეობის დაცვის ეროვნული სააგენტო“-ს 2014 წლის სახელმწიფო ბიუჯეტის სახსრები.

4. შესყიდვის ობიექტის მიწოდების ვადა: 2014 წლის 1 დეკემბერი.

5. კონკურსში მონაწილეობის მიღების უფლება აქვს პირს, რომელმაც კანონმდებლობით დადგენილი წესით, „სახელმწიფო შესყიდვების შესახებ“ საქართველოს კანონის 19¹ მუხლის პირველი პუნქტის საფუძველზე სახელმწიფო შესყიდვების სააგენტოს ანგარიშზე, რომელიც მითითებულია სააგენტოს ოფიციალურ ვებგვერდზე (www.procurement.gov.ge), გადაიხადა კონკურსში მონაწილეობის საფასური 50 (ორმოცდაათი) ლარის ოდენობით და წარმოადგენს საკონკურსო წინადადებას.

საფასურის გადახდის დამადასტურებელ დოკუმენტში მითითებული უნდა იყოს:

- ა) გადახდის დამადასტურებელი დოკუმენტის უნიკალური ნომერი და გადახდის თარიღი;
- ბ) შემსყიდველი ორგანიზაციის დასახელება და საიდენტიფიკაციო კოდი;
- გ) კონკურსანტის დასახელება და საიდენტიფიკაციო კოდი;
- დ) საკონკურსო განცხადების სააგენტოს ოფიციალურ ვებგვერდზე გამოქვეყნების შედეგად განცხადებისთვის მინიჭებული უნიკალური ნომერი.

6. კონკურსის ჩატარების პირობები:

კონკურსანტი ვალდებულია შემსყიდველ ორგანიზაციას წარუდგინოს:

6.1 კონკურსში მონაწილეობის საფასურის გადახდის დამადასტურებელი დოკუმენტი;

6.2 საკონკურსო წინადადების ღირებულების 1%-ის ოდენობის საბანკო გარანტია საკონკურსო წინადადებასთან ერთად ერთ დახურულ კონვერტში (გარანტიის მოქმედების ვადა არაკაკლებ 2014 წლის 14 ივლისის ჩათვლით).

6.3 სავალდებულო წარმოსადგენი მასალები და ინფორმაცია:

ინფორმაცია (საკვალიფიკაციო მონაცემები):

- 6.3.1 კონკურსანტის რეკვიზიტები (იხ. დანართი #1);
- 6.3.2 პრეტენდენტის პროფესიული გამოცდილება (მსგავსი სახის პროექტებში მონაწილეობა, თანაავტორობა და ა.შ.) შესაბამისი პროექტების ჩამონათვალითა და მასში საკუთარი სტატუსის მითითებით;
- 6.3.3 ინფორმაცია ყველა მონაწილის კვალიფიკაციისა და პროექტირების გამოცდილების შესახებ.

6.3.4 სადემონსტრაციო მასალა:

6.3.4.1 განმარტებითი ბარათი: პროექტის აღწერა არქეოლოგიური მუზეუმისა და საპროექტო ტერიტორიის, სამშენებლო განვითარების პარამეტრების, ნაგებობების სართულიანობის, სიმაღლის, სამშენებლო მოცულობებისა და ფართობების, ავტოსადგომების რაოდენობის, მშენებლობის სავარაუდო ღირებულების, რეალიზაციის ეტაპებისა და სხვა ტექნიკურ-ეკონომიკური მახასიათებლების ჩვენებით;

6.3.4.2 გრაფიკული მასალა:

- სიტუაციური გეგმა; გენგეგმა მიწის ნაკვეთის ფუნქციური ზონირებით; ტერიტორიის გამწვანებისა და კეთილმოწყობის გეგმა; ფეხმავალთა და სატრანსპორტო საშუალებების მოძრაობის სქემა;
- სართულების გეგმები;
- ფსალები, ჭრილები;
- საინჟინრო-კონსტრუქციული პრინციპული გადაწყვეტები, სქემატური გამოსახულებებით;
- საკონკურსო ტერიტორიის განაშენიანების სივრცით-გეგმარებითი წყობის 3D გამოსახულება;

- ფოიეს, საექსპოზიციო და საკონფერენციო სივრცეების ინტერიერის ესკიზები.

სასურველია წარმოდგენილი იყოს ხელოვნური, ღამის განათების კონცეპტუალური სურათი.

დასაშვებია გრაფიკული მასალის წარმოდგენისას კომპიუტერული შესრულების ნებისმიერი ფორმა: ჩანახატი, ფოტომონტაჟი, რენდერი, შერეული ტექნიკა, ანიმაცია.

6.3.4.3 გრაფიკული მასალები წარმოსადგენია როგორც მყარი A3 ფორმატის ალბომის სახით, ასევე ელექტრონულ ფორმატში PDF ფაილების სახით, [AutoCAD](#) ან [ArchiCAD](#) პროგრამაში.

6.3.4.4 საკონკურსო წინადადება და საკონკურსო წინადადების ფასი (მოქმედების ვადით არანაკლებ 30 კალენდარული დღე - 2014 წლის 14 ივნისის ჩათვლით);

6.3.4.5 გასაწევი მომსახურების ხარჯთაღრიცხვა (მთლიანი და სამუშაოთა სახეობების მიხედვით) საქართველოს კანონმდებლობით გათვალისწინებული გადასახადების ჩათვლით (დღგ-ს ჩათვლით);

6.3.4.6 აფიდავიტი შევსებული და დადასტურებული კონკურსანტის მიერ (იხ. დანართი #2).

6.4 სამუშაოების შესრულება შესაძლებელია მოხდეს სუბკონტრაქტორთა მონაწილეობით.

6.5 საკონკურსო წინადადებების წარმოდგენის ვადა: 2014 წლის 14 მაისი 11:00 სთ-დან 18:00 სთ-მდე.

7. კონკურსი ჩატარდება 2014 წლის 14 მაისს 18:00 საათზე;

წარმოსადგენი საკონკურსო წინადადება, სავალდებულო მასალები და ინფორმაცია შედგენილი უნდა იყოს ქართულ ენაზე და წარმოდგენილი კონკურსში მონაწილეობის საფასურის დამადასტურებელ დოკუმენტთან ერთად, ერთ დახურულ კონვერტში (კონკურსანტი ვალდებულია წარმოადგინოს საკონკურსო დოკუმენტაცია ელექტრონულ PDF ფორმატში CD).

საკონკურსო შესარჩევი სავალდებულო დოკუმენტაციის მიწოდების ფორმა

საკონკურსო დოკუმენტების წარმოდგენის ფორმატი - ზამბარით აკინძული A-4 ფორმატის ალბომი, შემდეგი შემადგენლობით:

- თავფურცელი ძეგლის დასახელებით, დადასტურებული ხელმოწერით ხელმძღვანელის მიერ;
- შესარჩევ ეტაპზე წარმოსადგენი ინფორმაცია და მონაცემები;
- სისტემატიზირებული, დასათაურებული უახლესი ფერადი ფოტომასალა;
- ძეგლთან დაკავშირებული ნებისმიერი სახის მასალა (საარქივო ფოტოები, პროექტები და სხვ.) რასაც პრეტენდენტი ჩათვლის საჭიროდ.
- პრეტენდენტის პროფესიული გამოცდილება;
- ინფორმაცია ძირითადი მონაწილეების კვალიფიკაციისა და გამოცდილების შესახებ (შესრულებულ სამუშაოთა ჩამონათვალი ამა თუ იმ პროექტში საკუთარი პოზიციის მითითებით).

ზემოხსენებული დოკუმენტები უნდა წარმოადგენდეს ილუსტრირებულ ანგარიშს ტექსტის ანალიტიკური ნაწილით, უახლესი ფოტომასალითა და შესაბამისი რეკომენდაციებით. ალბომი წარმოდგენილი უნდა იყოს აგრეთვე ელექტრონულ (CD) ფორმატში. ფოტომასალა CD-ზე ჩაწერილი (მაღალი ხარისხისა და რეზოლუციის – TIFF გაფართოების ფაილები).

დაგვიანებით შემოსული საკონკურსო დოკუმენტაცია არ განიხილება და დაუბრუნდება წარმომდგენ პირებს.

8. საკონკურსო წინადადების შეფასებისა და გამარჯვებული კონკურსანტის გამოვლენის პირობები

8.1 შემსყიდველი ორგანიზაცია საკონკურსო წინადადებების შეფასებასა და გამარჯვებული კონკურსანტის გამოვლენას ახდენს საკონკურსო კომისიის მეშვეობით ერთ ეტაპად.

8.2. შეფასების ძირითადი კრიტერიუმებია: კონკურსანტის მიერ საკონკურსო განაცხადის შესაბამისად წარმოდგენილი სადემონსტრაციო მასალისა და საკვალიფიკაციო მონაცემების გათვალისწინებით.

8.3 კონკურსანტის მიერ წარმოდგენილი საკონკურსო წინადადებების შეფასება მოხდება ღია კენჭისყრით კომისიის წევრთა სიითი შემადგენლობის უმრავლესობით. საკონკურსო კომისიის წევრს, რომელიც არ ეთანხმება კომისიის გადაწყვეტილებას, უფლება აქვს, წერილობით წარადგინოს თავისი აზრი, რომელიც უნდა დაერთოს საკონკურსო კომისიის გადაწყვეტილებას. ხმათა თანაბრად განაწილების შემთხვევაში გადაწყვეტია საკონკურსო კომისიის თავმჯდომარის ხმა.

9. კონკურსანტის დისკვალიფიკაცია ხდება შემდეგ შემთხვევებში:

9.1 თუ ის არ დააზუსტებს ტექნიკურ დოკუმენტაციას შემსყიდველის მიერ დადგენილ ვადაში;

9.2 თუ ის უარს აცხადებს სახელმწიფო შესყიდვის შესახებ ხელშეკრულების დადებაზე;

9.3 თუ სახელმწიფო შესყიდვის შესახებ ხელშეკრულების დადების უფლების მოპოვების მიზნით, ჩაიდენს არაკეთილსინდისიერ ქმედებას.

10. კონკურსის შეწყვეტა:

10.1 საკონკურსო კომისიას უფლება აქვს ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე;

10.2 შესყიდვის პროცედურების შეწყვეტის შემთხვევაში, შემსყიდველი ორგანიზაცია ვალდებული არ არის, კონკურსანტებს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზედაც მიიღო ეს გადაწყვეტილება. შესყიდვის პროცედურების შეჩერებისას ან შეწყვეტისას შემსყიდველი ორგანიზაცია ვალდებული არ არის, აანაზღაუროს შესყიდვაში მონაწილეობასთან დაკავშირებული ხარჯები.

11. ხელშეკრულების დადება:

გამარჯვებულის გამოვლენიდან არაუგვიანეს 5 (ხუთი) სამუშაო დღის ვადაში გამარჯვებულ კონკურსანტთან, დაიდება ხელშეკრულება სახელმწიფო შესყიდვების შესახებ, რომელიც განსაზღვრავს მიმწოდებლის მიერ ჩასაბარებელი საბოლოო პროდუქტის - კვლევითი-საპროექტო დოკუმენტაციის მიწოდებას, რომლის ზუსტი შემადგენლობა განისაზღვრება საქართველოს კანონის „კულტურული მემკვიდრეობის შესახებ“, მოთხოვნათა შესაბამისად. (იხ. დანართი #3).

12. ანგარიშსწორების პირობები:

12.1 საკონკურსო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით (დღგ-ს ჩათვლით).

12.2 ანგარიშსწორება მოხდება უნაღდო ანგარისწორებით ლარში სსიპ „საქართველოს კულტურული მემკვიდრეობის დაცვის ეროვნული სააგენტოს“ 2014 წლის ბიუჯეტის სახსრებით.

12.3 ანგარიშსწორება მოხდება მიღება-ჩაბარების აქტის გაფორმებიდან 30 (ოცდაათი) კალენდარული დღის განმავლობაში.

12.4 წინასწარი ანგარიშსწორების შემთხვევაში მიმწოდებელი ვალდებულია, წარმოადგინოს ავანსის სახით გადასახდელ თანხაზე საავანსო საბანკო გარანტია (ხელშეკრულების საერთო ღირებულების 30%), რომლის მოქმედების ვადა 60 კალენდარული დღით უნდა აღემატებოდეს შესყიდვის ობიექტის მიწოდების ვადას.

13. მიწოდების პირობები და ვადები:

13.1 საბოლოო პროდუქციის სახით წარმოადგენილი უნდა იყოს პირველ და მეორე ეტაპზე დამუშავებული დოკუმენტაცია:

- მყარი ასლები - ალბომი 4 ეგზ;

- ელექტრონული ფორმატი (ვექტორული DWG, DXF, PLN გაფართოების ფაილი - ArchiCad, Auto CAD), კომპაქტური დისკების სახით (CD - 4 ეგზ.).

- მიწოდების საბოლოო ვადაა 2014 წლის 1 დეკემბერი.

14. კონკურსის მონაწილეთა საავტორო უფლებები და საკონკურსო მასალების კუთვნილება

საკონკურსო მასალები გადადის კონკურსის მომწყობის საკუთრებაში. მას უფლება აქვს გამოიყენოს ისინი თავისი შეხედულებისამებრ, საავტორო უფლებების შესახებ კანონმდებლობის დაცვით.

საკონკურსო ესკიზურ პროექტებზე ვრცელდება საავტორო უფლებები. ესკიზური პროექტების ავტორები ინარჩუნებენ პირად არაქონებრივ უფლებებს - ავტორობის უფლებას, რეპუტაციის პატივისცემის უფლებას. სააგენტოს ან მისი დავალებით სხვა პირებს, არ აქვთ საკონკურსო ესკიზური პროექტების გადამუშავებისა და კომპილაციის უფლება. სხვა საავტორო უფლებები წყდება მოქმედი კანონმდებლობის შესაბამისად.

15. დამატებითი ინფორმაცია:

საკონკურსო დოკუმენტაციასთან დაკავშირებული განმარტებების მიღება კონკურსანტს შეუძლია საკონკურსო კომისიაში, წერილობითი მიმართვის შემთხვევაში: ქ. თბილისი, ათონელის #27 (სანაპიროს მხრიდან). საკონტაქტო პირი: გუგა გოგაძე ტელ: +99532 2932372.

1.რეკვიზიტები:

კონკურსანტის იურიდიული ფორმა და დასახელება:

ხელმძღვანელის სახელი და გვარი:

კონკურსანტის იურიდიული მისამართი:

კონკურსანტის ფაქტიური მისამართი:

საიდენტიფიკაციო კოდი:

კონკურსანტის ტელეფონის ნომერი:

ელექტრონული მისამართი:

ბანკის კოდი:

ანგარიშსწორების ანგარიში:

2. საკონკურსო წინადადების ფასი:

3. საკონკურსო წინადადების მოქმედების ვადა:

4. ავანსის გამოყენების შემთხვევაში საავანსო თანხის ოდენობა პროცენტულად:

ხელმძღვანელის ხელმოწერა -----

აფიდავიტი

საკონკურსო წინადადების დამოუკიდებლად განსაზღვრის თაობაზე

გამოცხადებულ კონკურსში მონაწილეობის მიღების მიზნით, ვადასტურებ, რომ ჩემს მიერ წარმოდგენილი საკონკურსო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ საკონკურსო წინადადება დისკვალიფიცირებული იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენენტის მიერ, ხელი მოვაწერო ამ აფიდავიტს და წარვადგინო ეს საკონკურსო წინადადება;

* ნებისმიერი პირი, რომლის ხელმოწერაც დაფიქსირებულია საკონკურსო წინადადებაზე, შესაბამისად უფლებამოსილია კონკურსანტის მიერ;

* ჩემთვის ცნობილია რომ ტერმინი "კონკურენტი" აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს კონკურსანტი ან/და წარადგინოს საკონკურსო წინადადება ამ კონკურსში;

* მატერიალური გამორჩენის ან უპირატესობის მიღების მიზნით კონკურსანტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- საკონკურსო წინადადების ფასი;
- საკონკურსო წინადადების ფასის გამოთვლის მეთოდი, კოეფიციენტი ან ფორმულა;
- საკონკურსო წინადადების წარდგენა ან წარდგენისგან თავის შეკავება;
- ისეთი საკონკურსო წინადადების განზრახ წარდგენა, რომელიც არ აკმაყოფილებს გამოცხადებულ საკონკურსო პირობებს;
- შესყიდვის ობიექტის ხარისხი, მოცულობა, ტექნიკურიპირობები ან მიწოდების დეტალები, რომელთაც ეხება საკონკურსო წინადადება;

* საკონკურსო წინადადების პირობები კონკურსანტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არგაუმჟღავნებს კონკურენტს საკონკურსო წინადადების განსაჯაროების მომენტამდე.

გავცვანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

თანხმობა

სახელმწიფო შესყიდვების მიზნებისთვის, აფიდავიტი წარმოადგენს საკონკურსო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, კონკურსანტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

2. ხელშეკრულების პროექტი

ხელშეკრულება სახელმწიფო შესყიდვის შესახებ
ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს კონკურსში გამარჯვებულ
კონკურსანტთან ხელშეკრულების გაფორმების პროცესში.

წინამდებარე ხელშეკრულება დაიდო _____ 2014წ.

ერთის მხრივ სსიპ „საქართველოს კულტურული მემკვიდრეობის დაცვის ეროვნული სააგენტო“ (შემდგომში
„შემსყიდველი“) და მეორეს მხრივ

_____ (შემდგომში „მიმწოდებელი“) შორის.

(მიმწოდებლის დასახელება და რეკვიზიტები)

იმის გათვალისწინებით, რომ შემსყიდველმა ჩაატარა კონკურსი

(შესყიდვის ობიექტის მოკლე აღწერა)

შესყიდვაზე რომელშიც გამარჯვებულად მიჩნეულ იქნა მიმწოდებლის საკონკურსო წინადადება, რომლის თანახმად
მიმწოდებელმა აიღო ვალდებულება გაუწიოს შემსყიდველს ზემოაღნიშნული მომსახურება შემდეგ თანხაზე

(ხელშეკრულების თანხა ციფრებით, სიტყვიერად და ვალუტის ჩვენებით)

(შემდგომში „ხელშეკრულების ღირებულება“).

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – შემსყიდველ
ორგანიზაციასა და კონკურსში გამარჯვებულ კონკურსანტს შორის დადებული ხელშეკრულება, რომელიც
ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე მთელი
დოკუმენტაციით, რომლებზეც ხელშეკრულებაში არის მინიშნებები.

1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა
ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით
შესრულებისათვის;

1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც
ახორციელებს შესყიდვას;

1.4 „მიმწოდებელი“ ნიშნავს პირს, რომელმაც მოიპოვა გამარჯვება კონკურსში და უზრუნველყოფს მომსახურების
გაწევას სახელმწიფო შესყიდვის შესახებ მოცემული ხელშეკრულების ფარგლებში;

1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. შესყიდვის ობიექტი

2.1 შესყიდვის ობიექტია: მცხეთის არქეოლოგიური მუზეუმის შენობის ადაპტაცია-განვითარების საპროექტო-
სახარჯთაღრიცხვო დოკუმენტაციის შედგენის მომსახურება, რომელიც განისაზღვრება საკონკურსო დოკუმენტაციის,
კერძოდ ტექნიკური დავალების შესაბამისად, რომელიც თან დაერთვის ხელშეკრულებას და წარმოადგენს მის
განუყოფელ ნაწილს.

3. მომსახურების გაწევის პირობები

3.1. საპროექტო დოკუმენტაციის მიწოდება განხორციელდება მიმწოდებლის მიერ წარმოდგენილი საკონკურსო
წინადადების საფუძველზე.

3.2. წარმოდგენილი საკონკურსო წინადადების მიხედვით მიმწოდებელი საპროექტო დოკუმენტაციის მიწოდებას
უზრუნველყოფს არაუგვიანეს 2014 წლის 1 დეკემბრის ჩათვლით.

3.3. საპროექტო დოკუმენტაციის მიწოდების ადგილი - ქ. თბილისი, ათონელის #27 (სანაპიროს მხრიდან).

4. ხელშეკრულების შესრულების კონტროლი

4.1 შემსყიდველს ან მის წარმომადგენლებს უფლება აქვთ ხელშეკრულების შესრულების ნებისმიერ ეტაპზე
განახორციელოს კონტროლი მიმწოდებლის მიერ ნაკისრი ვალდებულებების შესრულებაზე და განახორციელოს
მომსახურების ხარისხის პერიოდული ინსპექტირება.

4.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების)
ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ

შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

4.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

4.4 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან.

4.5 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს სსიპ „საქართველოს კულტურული მემკვიდრეობის დაცვის ეროვნული სააგენტოს“ თანამშრომლები: ირმა დოლიძე, ნინო ვაჩეიშვილი, ნიკოლოზ ზაზუნაშვილი, ნუკრი მაისურაშვილი, იოსებ ნაგლაძე, ირინე საბაშვილი, მანანა სურამელაშვილი.

5. შესყიდვის ობიექტის მიღება-ჩაბარების წესი

5.1. გაწეული მომსახურების მიღება განხორციელდება მომსახურების გაწევის შემდეგ, მხარეთა მიერ შედგენილი მიღება-ჩაბარების აქტის საფუძველზე (შემსყიდველის მხრიდან მიღება-ჩაბარების აქტის გაფორმებაზე უფლებამოსილ პირ(ებ)ს წარმოადგენენ წინამდებარე ხელშეკრულების პირობების 4.5 მუხლში მითითებული პირები).

5.2. შემსყიდველი ამოწმებს მიმწოდებლის მიერ დამუშავებულ და წარმოდგენილ საპროექტო დოკუმენტაციის სრულყოფილებას, მიმწოდებლის მიერ შესაბამისი დოკუმენტების წარმოდგენის დღიდან 15 (თხუთმეტი) სამუშაო დღის ვადაში.

5.3. თუ პროექტი არ შეესაბამება წინამდებარე ხელშეკრულების პირობებს, შესყიდველი დადგენილი წესის შესაბამისად მიმწოდებელთან ერთად ან მის გარეშე ადგენს აქტს.

5.4. შემსყიდველს უფლება აქვს ინსპექტირების დასკვნის საფუძველზე დაუბრუნოს მიმწოდებელს ხარვეზიანი საპროექტო დოკუმენტაცია.

5.5. მიმწოდებელი ვალდებულია წუნის (დეფექტების) აღმოჩენის შესახებ შესაბამისი აქტის გაფორმებიდან 15 (თხუთმეტი) სამუშაო დღის ვადაში აღმოფხვრას ინსპექტირების შედეგად აღმოჩენილი დეფექტები.

5.6. თუ შემსყიდველმა წარმოდგენილი დოკუმენტაცია შეაფასა წუნით, დასრულებულად ჩაითვლება სამუშაოები დეფექტების აღმოფხვრის შემდეგ.

5.7. მიღება-ჩაბარების აქტის გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

6. ანგარიშსწორება

6.1 ანგარიშსწორება მოხდება ლარებში სსიპ „საქართველოს კულტურული მემკვიდრეობის დაცვის ეროვნული სააგენტოს“ 2014 წლის ბიუჯეტის სახსრებით.

6.2 გადახდის ფორმა – უნაღდო.

6.3 გაწეული მომსახურების ანგარიშსწორება განხორციელდება მხარეთა მიერ შედგენილი მიღება-ჩაბარების აქტის მიხედვით;

6.4. ანგარიშსწორება მოხდება მიღება-ჩაბარების აქტის გაფორმებისა და საქართველოს კანონმდებლობით გათვალისწინებული შესაბამისი საგადასახადო დოკუმენტაციის წარდგენიდან 30 (ოცდაათი) კალენდარული დღის ვადაში.

6.5. წინასწარი ანგარიშსწორების შემთხვევაში მიმწოდებელი ვალდებულია, წარმოადგინოს ავანსის სახით გადასახდელ თანხაზე საავანსო საბანკო გარანტია (ხელშეკრულების საერთო ღირებულების 30%), რომლის მოქმედების ვადა 60 კალენდარული დღით უნდა აღემატებოდეს შესყიდვის ობიექტის მიწოდების ვადას.

7. ფასები

7.1 მიმწოდებლის მიერ დაფიქსირებული გასაწევი მომსახურების ფასი წარმოადგენს ხელშეკრულების ღირებულებით პარამეტრებს.

7.2 ხელშეკრულების ღირებულებითი პარამეტრების შეცვლა ხელშეკრულების მოქმედების მთელი პერიოდის განმავლობაში დაუშვებელია.

7.3 ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით.

7.4 ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

7.5 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

8. მხარეთა უფლება-მოვალეობანი

8.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.

8.2 შემსყიდველი ვალდებულია:

8.2.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;

8.2.2. ხელშეკრულებით გათვალისწინებული მომსახურების გაწევისას აცნობოს მიმწოდებელს ყველა განსაკუთრებული გარემოებების წარმოშობის შესახებ;

8.2.3. ხელშეკრულებით გათვალისწინებული პირობების შესაბამისად აუნაზღაუროს მიმწოდებელს გაწეული მომსახურების ღირებულება.

8.3. შემსყიდველს უფლება აქვს:

8.3.1. განახორციელოს კონტროლი და ზედამხედველობა მიმწოდებლის მიერ ხელშეკრულებების პირობების დაცვაზე;

8.3.2. განახორციელოს კონტროლი საპროექტო დოკუმენტაციის შედგენისას;

8.3.3. მიიღოს მიმწოდებლისგან სათანადო წესით გაფორმებული საპროექტო დოკუმენტაცია.

8.3.4. საქართველოს კანონმდებლობის შესაბამისად შეაჩეროს ან შეწყვიტოს სახელმწიფო შესყიდვის შესახებ დადებული ხელშეკრულების მოქმედება, თუ მიმწოდებლის მიერ წარმოდგენილი საკვალიფიკაციო მონაცემები ყალბი აღმოჩნდება;

8.4. მიმწოდებელი ვალდებულია:

8.4.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;

8.4.2. დააკმაყოფილოს შემსყიდველის მოთხოვნა დამატებითი მონაცემების წარმოდგენის შესახებ კანონმდებლობით დადგენილი წესით;

8.4.3. საპროექტო დოკუმენტაციაზე რაიმე შენიშვნების აღმოჩენის შემთხვევაში შეტყობინების მიღებისთანავე აღმოფხვრას იგი, შემსყიდველის მხრიდან რაიმე დამატებითი დანახარჯების გაწევის გარეშე;

8.4.4. საპროექტო დოკუმენტაციის მიხედვით, სამშენებლო სამუშაოების განხორციელების დროს წარმოქმნილი დამატებითი სამუშაოების აუცილებლობის შემთხვევაში, შეიტანოს შესაბამისი კორექტირება საპროექტო დოკუმენტაციაში შემსყიდველის მხრიდან რაიმე დამატებითი დანახარჯების გაწევის გარეშე.

8.5 საპროექტო დოკუმენტაცია წარადგინოს 4 (ოთხ) ეგზემპლარად ტექნიკურ დავალებაში მითითებული პირობების შესაბამისად, აგრეთვე პროექტი ელექტრონული სახით ტექნიკური დავალებით განსაზღვრულ ფორმატში.

8.6. მიმწოდებელს უფლება აქვს:

8.6.1. მოსთხოვოს შემსყიდველს ხელშეკრულებით გათვალისწინებული პირობების შესაბამისად გაწეული მომსახურების ღირებულების ანაზღაურება.

9. ხელშეკრულებაში ცვლილებების შეტანა

9.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.

9.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. უფლებების გადაცემა

10.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

11. სუბკონტრაქტორები

11.1 ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს სუბ-კონტრაქტორ(ებ)ის აყვანის ან შეცვლის შესახებ (სუბ-კონტრაქტორის აყვანის აუცილებლობის მიზეზების დასაბუთებით). სუბ-კონტრაქტორ(ებ)ის დასაშვებობის საკითხს წყვეტს შემსყიდველი და მიმწოდებელი ერთობლივი მოლაპარაკების საფუძველზე, რომელიც გაფორმდება წერილობითი ფორმით წინადადებარე ხელშეკრულების დამატების სახით.

11.2 ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს შემსყიდველს.

11.3 ამ ხელშეკრულების ფარგლებში დადებული არც ერთი სუბკონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

12. გარანტია

12.1. საპროექტო დოკუმენტაციის ხარისხი უნდა შეესაბამებოდეს სამშენებლო ნორმებითა და წესებით გათვალისწინებულ მოთხოვნებს, აგრეთვე ტექნიკურ დავალებაში მითითებულ მოთხოვნებს;

12.2. შემსყიდველი ვალდებულია დაუყოვნებლივ აცნობოს მიმწოდებელს ექსპერტიზის გავლის შედეგად საპროექტო დოკუმენტაციაში რაიმე წუნის (ხარვეზის) აღმოჩენის შესახებ.

12.3. შეტყობინების მიღების შემდეგ მიმწოდებელი ვალდებულია 15 (თხუთმეტი) სამუშაო დღის განმავლობაში საკუთარი ხარჯებით აღმოფხვრას საპროექტო დოკუმენტაციაში აღმოჩენილი წუნი (ხარვეზი).

12.4. ნებისმიერი პრობლემა, რომელიც წარმოიქმნება სამუშაოების პროცესში საპროექტო ორგანიზაციის არაკვალიფიციურად დასახული ამოცანის შედეგად და აღმოჩნდება, რომ ამის გამო სამუშაოების ღირებულება იზრდება, მიმწოდებელი (საპროექტო ორგანიზაცია) ვალდებულია აანაზღაუროს ასეთი გარემოებით გამოწვეული სამუშაოები.

13. ხელშეკრულების პირობების შეუსრულებლობა

13.1. ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის დამრღვევ მხარეს დაეკისრება პირგასამტეხლოს გადახდა, ყოველ ვადაგადაცილებულ დღეზე ხელშეკრულების საერთო ღირებულების 0,3 %-ის ოდენობით.

13.2 ხელშეკრულების არაჯეროვნად შესრულებისას ინსპექტირების ჯგუფის მიერ წუნის (დეფექტების) აღმოჩენის შემთხვევაში საჯარიმო სანქციების ათვლა მოხდება შესაბამისი აქტის გაფორმების თარიღიდან.

13.2 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5 (ხუთი) პროცენტს, შემსყიდველი იტოვებს უფლებას შეწყვიტოს ხელშეკრულება.

13.2 საჯარიმო სანქციების გადახდა არ ათავისუფლებს მიმწოდებელს ნაკისრი ვალდებულებების შესრულებისგან.

14. ხელშეკრულების შეწყვეტა მისი პირობების შეუსრულებლობის გამო

14.1 მიმწოდებლის მიერ ხელშეკრულების პირობების შეუსრულებლობის შემთხვევაში შესყიდველს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

14.2 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისგან.

14.3 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისგან.

14.4 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

14.5 ამ მუხლის მე-5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

14.6 შემსყიდველი უფლებამოსილია მთლიანად ან ნაწილობრივ ცალმხრივად შეწყვიტოს ხელშეკრულება, თუკი მიმწოდებლის მხრიდან შესყიდვის ობიექტის მიწოდების ვადების დარღვევის პერიოდი აღემატება 15 კალენდარულ დღეს.

15. ფორს-მაჟორი

15.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

15.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს

გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

16. სადაო საკითხების გადაწყვეტა

16.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

16.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს, თუ ხელშეკრულების პირობებში სხვა რამ არ არის გათვალისწინებული.

17. გამოყენებული სამართალი

ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

18. ხელშეკრულების ენა

ხელშეკრულება შედგენილი უნდა იქნეს ქართულ ენაზე, სამ ეგზემპლარად, თითოეულ მათგანს გააჩნია თანაბარი იურიდიული ძალა. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაცვლება მხარეთა შორის, უნდა შეესაბამებოდეს აღნიშნულ პირობებს.

19. შეტყობინება

19.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

19.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

20. გადასახადები და დაბეგვრა

20.1 უცხოელი მიმწოდებელი პასუხს აგებს მომსახურების გაწევასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

20.2 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულების პირობებით სხვა რამ არ არის გათვალისწინებული.

21. ხელშეკრულების მოქმედების ვადა

წინამდებარე ხელშეკრულება ძალაშია მხარეთა მიერ ხელშეკრულების ხელის მოწერის დღიდან, 2015 წლის 31 იანვრის ჩათვლით.

22. სხვა პირობები

22.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

22.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

22.3 ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და სამი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

22.4 გამარჯვებული კონკურსანტის მიერ წარმოდგენილი საკონკურსო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს.

22.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

შემსყიდველი:

მიმწოდებელი:

ტექნიკური დავალება

ზოგადი დებულებები

კონკურსი ერთტურიანია, ანონიმური. კონკურსში მონაწილეობის უფლება არა აქვთ ჟიურის წევრებს. კონკურსის ყოველ მონაწილეს შეუძლია მუზეუმის შენობის ერთი პროექტის წარმოდგენა. საკონკურსო მოთხოვნათა შესრულებლობა გამოიწვევს მონაწილის კონკურსიდან გამორიცხვას.

კონკურსის ძირითადი მიზანი და ამოცანები

კონკურსის ძირითად მიზანს წარმოადგენს - საკონკურსო დავალებით განსაზღვრული, თანამედროვე მოთხოვნების შესაბამისი მუზეუმის შენობის ისეთი საუკეთესო ესკიზური პროექტის გამოვლენა, რომლის საფუძველზე შესაძლებელი იქნება:

1. ქალაქმშენებლობითი და საპროექტო დავალების სრულად ჩამოყალიბება;
2. თანამედროვე ტექნოლოგიების გათვალისწინებით, ფუნქციური და არქიტექტურული სივრცით-კომპოზიციური და მხატვრული გადაწყვეტის მიღება;
3. საპროექტო-სახარჯთაღრიცხვო სრული დოკუმენტაციის შედგენა.

კონკურსის ძირითადი მიზნიდან გამომდინარე, კონკურსის მონაწილეებს მოეთხოვებათ საკონკურსო ტერიტორიის საზღვრებში შემდეგი ამოცანების გადაწყვეტა:

- საკონკურსო მიწის ნაკვეთის განაშენიანების რეკონსტრუქციის სივრცით-გეგმარებითი მოწყობის - გენგეგმის შემოთავაზება;
- საკონკურსო ტერიტორიის სამშენებლოდ განვითარების პარამეტრების განსაზღვრა საერთო-საქალაქო სტრუქტურაში მისი ჩართვის გათვალისწინებით;
- საპროექტო-სარეკონსტრუქციო არეალში არსებული განაშენიანების მასშტაბის გათვალისწინება.
- არსებული შენობის იმგვარი რეკონსტრუქციის ესკიზური წინადადების წარმოდგენა, რომელშიც გათვალისწინებული იქნება სამუზეუმო სივრცეების მოწყობა, მათი ურთიერთკავშირებითა და გამართული ფუნქციონირებით.

კონკურსის მონაწილეებს მოეთხოვებათ ობიექტის განვითარების (რეკონსტრუქციის) ნებისმიერი სხვა ასპექტის დასაბუთებული გადაწყვეტის შემოთავაზება, რომელიც ხელს შეუწყობს კონკურსის ძირითადი მიზნის მიღწევას და საჯარო, კერძო და სახელმწიფო ინტერესების ჰარმონიზაციას.

მუზეუმის შენობის გარე და შიდა სივრცეები ხელმისაწვდომი უნდა იყოს შეზღუდული შესაძლებლობის მქონე პირთათვის.

საპროექტო დავალებაში სათავსოების მოცემული ფართობები საორიენტაციოა.

არსებული შენობის აღწერა

კინოთეატრის შენობა მდებარეობს ქალაქ მცხეთის ცენტრში, ისტორიული განაშენიანების დაცვის ზონაში, სამთავროს დედათა მონასტრისა და სამთავროს ველის მიმდებარედ, მჭიდროდ განაშენიანებულ უბანში.

კინოთეატრი აგებულია გასული საუკუნის 70-იან წლებში. შენობა სწორკუთხა ფორმისაა, კარკასული, სარდაფით, ნაწილობრივ ორსართულიანი. მას გააჩნია პანდუსები კარიბჭის ჩიხის ქუჩიდან. ფასადები სადაა, შემოსილია შეკიდული საკედლე პანელებითა და მოპირკეთებული ბოლნისის ტუფით. შენობის პირველ დონეზე მდებარეობს არქეოლოგიური ძეგლი - „მცხეთის კარიბჭე“, რომელიც შემოფარგლულია მინის ვიტრაჟებით. აღმოსავლეთის ფასადის მეორე სართული მოპირკეთებულია კერამიკული პანოთი. ამგვარი მხატვრული პანო მეორე სართულის ფოიეშიცაა განთავსებული. შენობას აქვს ორქანობიანი სახურავი, მოწყობილი ხის ნივნივებზე.

ქალაქ მცხეთის ყოფილი კინოთეატრის (მცხეთის კარიბჭე) შენობის არსებული მდგომარეობის შესახებ ინფორმაციისა და დოკუმენტაციის მოპოვების მიზნით განხორციელდა მისი კვლევა (არქიტექტურულ-არქეოლოგიური ანაზომები, ტექნიკური შეფასება, სამშენებლო-გეოლოგიური კვლევა, ტოპო-გადაღება, შიდა და გარე კომუნიკაციების კვლევა-შეფასება). აღნიშნული სამუშაოები წინაპირობაა შენობის ტექნიკური პოტენციალის გამოვლენისა და მისი შემდგომი ადაპტირების შესაძლებლობებისა.

არქეოლოგიური მუზეუმის განვითარების ხედვა

არქეოლოგიური მუზეუმი მოსაწყობია საკონკურსო ტერიტორიაზე არსებული შენობის სტრუქტურისა და არქიტექტურულ-მხატვრული იერ-სახის მაქსიმალური შენარჩუნებით. მუზეუმის ახალი შენობა უნდა იქცეს მცხეთის ერთ-ერთ არქიტექტურულ ორიენტირად და ტურისტულ ატრაქციად.

მუზეუმის გამართული ფუნქციონირებისთვის მნიშვნელოვანია თანამედროვე მოთხოვნების გათვალისწინება, კერძოდ: მუზეუმის მოწყობისას გათვალისწინებული უნდა იყოს თანამედროვე სტანდარტები კოლექციების შენახვასა და ექსპონირებაში, მუზეუმის დაცვისა და უსაფრთხოების საკითხებში.

რეკონსტრუირებული შენობის არქიტექტურა უნდა პასუხობდეს დიდი მცხეთის მუზეუმ-ნაკრძალის განვითარების ხედვას და კოლექციების სპეციფიკას.

მცხეთის არქეოლოგიური მუზეუმ-ნაკრძალი უნდა წარმოადგენდეს საქართველოს ერთ-ერთ მნიშვნელოვან სამეცნიერო და საგანმანათლებლო ცენტრს, რომელიც სრულყოფილად წარმოაჩენს და ხელმისაწვდომს გახდის როგორც მუზეუმში დაცულ კოლექციებს, ასევე მცხეთის მუნიციპალიტეტის მსოფლიო და ეროვნული მნიშვნელობის არქიტექტურულ და არქეოლოგიურ მემკვიდრეობას.

არქეოლოგიური მუზეუმის მიმართულებები:

სამეცნიერო – რაც გულისხმობს საკონსერვაციო-სარესტავრაციო ლაბორატორიის დაარსებას, რომელიც მოემსახურება კულტურული მემკვიდრეობის დაცვის ეროვნული სააგენტოს ყველა მუზეუმს; კოლექციების შესწავლას, დაცვასა და კონსერვაციას; უძრავი არქეოლოგიური და არქიტექტურული ძეგლების შესწავლასა და დაცვას; სამეცნიერო კონფერენციების გამართვას; სპეციალიზირებული არქეოლოგიური ბიბლიოთეკის ამოქმედებას.

საგანმანათლებლო – მუზეუმის საგანმანათლებლო პოლიტიკა მიმართულია, რომ შემუშავდეს მუდმივად განახლებადი საგანმანათლებლო პროგრამები სკოლამდელი და სკოლის ასაკის ბავშვებისათვის, როგორც მუზეუმში ასევე არქეოლოგიურ ძეგლებზე.

მომავალში შესაძლებელია მცხეთის არქეოლოგიური მუზეუმის ბაზაზე დაარსდეს სამაგისტრო და სადოქტორო პროგრამების სასწავლებელი არქეოლოგიასა და კულტურული მემკვიდრეობის მართვის სფეროში.

ვიზიტორთა მომსახურება – მუზეუმის მიზანია მაქსიმალურად გაზარდოს ვიზიტორთა რაოდენობა ქალაქ მცხეთასა და მცხეთის რაიონში და შესაბამისი სერვისების შეთავაზებით მათთვის ხელმისაწვდომი გახადოს არა მხოლოდ მუზეუმ-ნაკრძალში შემავალი კოლექციები და უძრავი ძეგლები, არამედ ასევე მცხეთის რაიონის კულტურული მემკვიდრეობა.

ტექნიკური საკითხები - უსაფრთხოება და ხელმისაწვდომობა

მუზეუმის შენობა უნდა დაგეგმარდეს ისე რომ საგანგებო სიტუაციების (წყალდიდობა, ხანძარი, მიწისწვრა, შეიარაღებული კონფლიქტები) დროს დროულად მოხდეს დამთვალიერებლების და თანამშრომლების ევაკუაცია და კოლექციების ტრანსპორტირება. შესაბამისად პროექტში განსაზღვრულ იქნეს საევაკუაციო გზები.

მუზეუმის შენობის ზონირება და სათავსოების სავარაუდო ჩამონათვალი

I. ზონა - ხელმისაწვდომი დამთვალიერებელთათვის

1. საზოგადოებრივი და საინფორმაციო სივრცე

1.1. მუზეუმის ვიზიტორთა მისაღები – ფოიე

1.1.1. გარდერობი

1.1.2. ბილეთების სალარო

1.1.3. გიდებისთვის სივრცე

1.1.4. საინფორმაციო კუთხე

1.1.5. წიგნებისა და სუვენირების მაღაზია

1.1.6. სველი წერტილები

1.1.7. კაფე საწყობებითა და დამხმარე სათავსოებით (ინტერიერში, ასევე გარეთ ღია კაფეს გამართვის შესაძლებლობით. კაფე უნდა მოემსახუროს სავარაუდოდ 50 ადამიანს).

ეზოში შეიძლება გაკეთდეს სივრცე მიღებებისთვის არქეოლოგიური პარკის ელემენტებით და შესაბამისი გამწვანებით.

1.2 საკონფერენციო დარბაზი სავარაუდოდ 70 ადამიანზე, თარჯიმნისა და ტექნიკური ოთახით, არქეოლოგიის სპეციალიზებული ბიბლიოთეკით, სადაც შესაძლებელი იქნება სტუდენტებისა და მეცნიერებისთვის სამუშაო პირობების შექმნა, შეხვედრების ოთახი.

შენიშვნა: საკონფერენციო დარბაზი, ბიბლიოთეკა - სტუდენტებისა და მეცნიერებისთვის სამუშაო სივრცით, შეხვედრების ოთახი გაერთიანებულია მხოლოდ ფართობის სიმცირის გამო.

1.3 საგანმანათლებლო პროგრამების სივრცე (აქ განთავსდება საგანმანათლებლო პროგრამის 3 სპეციალისტის სამუშაო მაგიდები) – 60 კვ.მ. – რომელიც უნდა გადიოდეს ეზოში.

II ზონა - კოლექციები ხელმისაწვდომი დამთვალიერებლებისათვის

1. **საექსპოზიციო სივრცე – 400 კვ.მ.**
 - მცხეთა - ცივილიზაციათა გზაჯვარედინი (უძველესი ეპოქა)
 - მცხეთა – მითი და რეალობა (ანტიკური პერიოდის მცხეთა)
 - ქრისტიანობის სათავეებთან
2. **დროებითი გამოფენების დარბაზი – 70 კვ.მ.**
3. **სანკვანძები**

III ზონა - კოლექციები მიუწვდომელი დამთვალიერებლებისათვის

- ფონდსაცავი – 300 კვ.მ. (მუზეუმში დაცულია 25 000-მდე ექსპონატი)
- არქეოლოგიური კოლექციების საცავი: ქვის, კერამიკის, მინის, ლითონის _ 240 კვ.მ.
 - ნუმისმატიკისა და ძვირფასი ლითონების საცავი-სეიფი _ 10 კვ.მ.
 - ეთნოგრაფიული და სახვითი ხელოვნების ფონდი _ 50 კვ.მ.
- შენიშვნა: შეიძლება შერეული ფონდის გაკეთებაც. კერძოდ, არქეოლოგიური კოლექციების, ეთნოგრაფიული და სახვითი ხელოვნების ფონდის.
- ფონდსაცავის გვერდით _ ფონდის მცველისა და ატრიბუციის 3 სპეციალისტის სამუშაო ოთახი – კართოტეკით, დამხმარე სამეცნიერო მასალის ფონდით (ივენტარიზირებული მასალა, კატალოგები, ნახაზები, ფოტოები) – 30 კვ.მ.
- სათავსო ექსპოზიციის მოსამზადებლად _ 20 კვ.მ.
 - სარესტავრაციო ლაბორატორია (უნდა იყოს შეყვანილი წყალი), ქიმიური პრეპარატების საწყობით _ 30 კვ.მ.
 - ექსპონატების მისაღები იზოლიატორი, სადეზინფექციო კამერა
 - მუზეუმის საპოლიციო დაცვის ოთახი
 - სიგნალიზაციის მართვის პულტის ოთახი
 - ტექნიკური პერსონალის სამეურნეო ოთახი, გასახდელით.

IV ზონა - ადმინისტრაცია და სამეურნეო სათავსოები

1. **მუზეუმის ადმინისტრაციის სათავსოები:**

მმართველის – 20 კვ.მ; კურატორის -15 კვ.მ., ბუღალტრის - 12 კვ.მ., მონიტორინგის სპეციალისტების (3 თანამშრომელი) – 20 კვ.მ.; ტექნიკური უზრუნველყოფის სპეციალისტის, ქსელის ადმინისტრატორის, ექსპოზიციის მეთვალყურის.
2. **სამეურნეო და ტექნიკური სათავსოები, მათ შორის:**
 - ელექტროსისტემების (ელექტროფარი, კონდენცირების დანადგარების სათავსო)
 - კლიმატის რეგულირების აპარატების
 - საქვაბე
 - სადღერგლო სახელოსნო და კონტეინერებისა და შესაფუთი მასალის საწყობი
 - სამუზეუმო ინვენტარის საწყობი
 - საჭიროებისამებრ სატვირთო ლიფტი (უნდა უკავშირდებოდეს სარესტავრაციო ლაბორატორიას, ფონდსაცავს და გამოფენას).
 - სანკვანძი
 - დამლაგებლის სათავსო

შენიშვნა: კლიმატის რეგულირების აპარატები - თავსდება ღია სივრცეში, თუკი ტექნიკურად შესაძლებელია მათი დახურულ სივრცეში განთავსება – შესაძლებელია გამოყენებული იქნას სარდაფი.

• ავტოსადგომი

არსებული შენობაში კარიბჭის არქეოლოგიური ობიექტის დამთვალიერებლებისთვის შესაბამისი ბილიკების სქემა.

ექსპოზიციის მიზანია წარმოაჩინოს მცხეთისა და მისი მიდამოების მრავალსაუკუნოვანი ისტორია უძველესი დროიდან ქრისტიანობის გავრცელებამდე.

ექსპოზიციის ამოცანებია უჩვენოს:

- მცხეთასა და მის შემოგარენში მრავალწლიანი კვლევის ისტორია/საეტაპო აღმოჩენები/ერთ-ერთი საკვანძო ადგილი კავკასიის ისტორიის შესასწავლად;
- ქალაქი-ნეკროპოლისი - დიდი სამაროვნები და მცირე სამოსახლოები;

- ეთნოკულტურების მონაცვლეობა; ფართო გეოგრაფიული, კულტურული და პოლიტიკური სამყაროს ნაწილი;
- ვრცელ ტერიტორიაზე გაშლილი მულტიეთნიკური და მრავალფუნქციური დასახლება/ქალაქი;
- ადგილი სადაც გავრცელდა და სახელმწიფო რელიგიად გამოცხადდა ქრისტიანობა.

ცალკეული თემის ინტერპრეტაციის საშუალებებია:

- I. მუზეუმის ობიექტი;
- II. სამგანზომილებიანი რეკონსტრუქცია;
- III. გრაფიკული რეკონსტრუქცია (1. კედელზე, დიზაინის ნაწილი; 2. ცალკე მდგომი);
- IV. კომპიუტერული მედია (ტექსტი, გრაფიკა, ვიდეო, აუდიო);
- V. ტექსტი

რეფერენსირების სისტემა - ძირითადი თემა, ქვეთემა, ობიექტის მინაწერი

1. საექსპოზიციო დანაყოფი

1.1 მცხეთა/არქეოლოგია

კომპიუტერული მედია (ტექსტი, გრაფიკა, ვიდეო, აუდიო) - მთელ სიმაღლეზე კედლებზე - გათხრების/საექსპო ადმოჩენების/მკვლევარების ფოტო და ვიდეო მასალის კადრები, ტექსტი

1.2 მუდმივად დასახლებული ადგილი

გრაფიკული რეკონსტრუქცია - რუკა მცხეთა და მისი მიდამოები, სამოსახლოები, სამაროვნები, უბნები - სტრატეგრაფია, ტექსტი

2. საექსპოზიციო დანაყოფი - უძველესი ეპოქა ძვ. წ. IV ათასწ. I – II ათასწ. შუა ხანები

2.1 მტკვარ-არაქსი - შუა ბრინჯაოს ხანა

ტექსტი (ქრონოლოგიური ჩარჩოები, დამახასიათებელი სამოსახლოები, პერიოდისათვის დამახასიათებელი ინვენტარი)

2.2 ქალაქი ნეკროპოლისი - სამაროვნები და დაკრძალვის წესები

- სამარხთა ტიპები
- დაკრძალვის პოზა
- ალაპი
- სამარხეული ინვენტარი

I. მუზეუმის ობიექტი;

II. სამგანზომილებიანი რეკონსტრუქცია;

III. ტექსტი

2.3 სოციალურად დაწინაურებული მეომარი/ბელადი/მხედარი/ქურუმი

- I. ტექსტი (ამ პერიოდის ეთნოკულტურა; სოციალურად დაწინაურებული ფენა)
- II. მუზეუმის ობიექტი: (საომარი აღჭურვილობა - აბჯარი, სატევარი, მახვილი, შუბისპირი, ისარი, მშვილდსაკინძი; სამკაული - საკინძები, მძივები, სამაჯურები; ინსიგნიები (კვერთხის თავი, სარტყელი; საყოფაცხოვრებო - ქვაბი; ცხენის აღკაზმულობა - ლაგამი, საყბეური, უმბონი.
- III. მედიცინა - ტრეპანირებული თავის ქალები, ჩქიფები, სატეხი ქვა
- IV. გრაფიკული რეკონსტრუქცია - (კედელზე) ბელადი საომარი აღჭურვილობით ველზე კოცონთან, სახლიდან გასვლისას ლოცვისას, ცხენის აღკაზმულობის რეკონსტრუქცია

2.4 მეთუნეობა

2.4.1 საყოფაცხოვრებო

2.4.2 საკულტო-სარიტუალო

2.4.3 ალაპის ჭურჭელი

ტექსტი (მსგავსი ჭურჭელი თანამედროვე ქართულ ყოფაში)

2.5 რწმენა წარმოდგენები და რიტუალები

I. ტექსტი (მსგავსი წარმოდგენები და სიმბოლოები საუკუნეების მანძილზე, ირმის და თევზის გამოსახულებები ადგილობრივ წარმართულ იკონოგრაფიაში, რელიგია ყოველდღიურობის ნაწილი)

II. მუზეუმის ობიექტი: სარტყლები, ირმისა და თევზის ფიგურები, კერპის ფიგურა, სამთავროს საკუთხეველი.

III. გრაფიკული რეკონსტრუქცია - სამთავროს ნამოსახლარი

3. ქართლის (იბერიის) სამეფოს ცენტრი/ვრცელ ტერიტორიაზე გაშლილი მრავალეთნიკური და მრავალფუნქციური ქალაქი/სამეფო ქალაქი

ტექსტი (იბერიის სამეფოს შექმნა, მესხური ტომების შემოსვლა, მცხეთის ქალაქად ჩამოყალიბების წინაპირობები, პოლიტიკური და რელიგიური ცენტრი, მმართველობის სტრუქტურა, წერილობითი წყაროების მიხედვით დამწერლობის წარმოშობა და გავრცელება დანარჩენ საქართველოში)

მრავალეთნიკური ქალაქი

I. მუზეუმის ობიექტი: ეპიგრაფიკული ძეგლები, გლიპტიკა

II. ტექსტი

დამატებითი დოკუმენტაცია კონკურსში მონაწილეობის მსურველებისათვის ატვირთულია ელექტრონულ სისტემაში საკონკურსო განცხადების დანართების სახით:

- საკონკურსო არეალის ორთოფოტო;
 - საკონკურსო ობიექტის სიტუაციური გეგმა;
 - საკონკურსო ობიექტის მიწის ნაკვეთის ტოპოგრაფიული გეგმა;
 - არსებული შენობის ანაზომი ნახაზები (გეგმები, ჭრილები, ფასადები);
 - გეოლოგიური კვლევის შედეგები;
 - გარე და შიდა საინჟინრო კომუნიკაციების არსებული მდგომარეობის შეფასება;
- შენობის ტექნიკური მდგომარეობის შეფასება.